

PRÆFATIO.

TRADITUR in manus lectori Æschylus, et ita quidem concinnatus, ut, nisi me fallat spes, optimo cum fructu legi possit.

De hac editione observanda sunt hæc duo :

- I. Quidquid ex emendatione vel mea vel aliorum in textum infertur, asterisco (*) notatur.
- II. Quidquid in textu corruptum relinquitur, obelo (†).

In notis emendationum, quæ inferuntur, redduntur rationes. Porro interpretationes quam potui brevissimas et luculentissimas subinde sparsi, eorum præcipue locorum, quæ vel propter suam difficultatem, vel obscuritatem ex aliorum pravis explicationibus inductam, interpretis mihi egere videbantur.

Fabulæ exhibentur eodem quo, ut verisimile videtur, actæ sunt ordine; ut e simplicissima tragœdiæ forma per varios gradus ad eam, in qua reliquerat Æschylus, perveniat lector. *Lateritiam autem invenit, marmoream reliquit.*